



Publicaziuns officialas dils 13-12-2019

Damonda da baghegiar

Nr. 121/2019

Datum da publicaziun: 13-12-2019

Patrun: Albin Marcus, 7176 Cumpadials

Liug e parcelas: Camon; 3030, 3031

Object: nova grunda per igl esch dalla casa

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 106/2019

Martin Cathomas, 7173 Surrein; lavurs da manteniment vid baghetg nr. 387 sin parcella nr. 6751 a Surrein-Val.

Nr. 116/2019

Duri Baselgia, 7172 Rabiuis; niev puoz sco biotop sin parcella nr. 252 a Rabiuis-sut Via.

Nr. 117/2019

Marlies Bearth-Weber, 8955 Oetwil; remplazzament dalla scala, sanar ed engrondir plaz da seser sin parcella nr. 3883 a Sumvitg-Via Sursilvana.

Nr. 117/2019

Anneliese Burtscher Düggelin e Vitus Düggelin, 9011 Sogn Gagl; remplazzament da singulas finiastras dil baghetg nr. 319C sin parcella nr. 6495 a Surrein-Giachentrina.

Nr. 120/2019

Monika Rösel Brodbeck, 4057 Basilea; lavurs da manteniment vid ils tetgs dils baghetgs nr. 199C e 200 sin parcella nr. 2696 a Sumvitg-Clavadi.

Sumvitg, 13-12-2019

Cumissiun da baghegiar

Radunonza da vischnaunca

La proxima radunonza da vischnaunca ha liug gievgia, ils 19 da december 2019 allas 20.00 uras a Sumvitg.

Gliesta da tractandas

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal dils 11-06-2019
4. Tractaziun ed approvaziun dil preventiv communal 2020
5. Fixaziun dils peis da taglia 2020
6. Tractaziun ed approvaziun d'in emprést bancar da 2'000'000 francs
7. Elecziuns da delegai e suppleants en corporaziuns da vischnaucas (perioda d'uffeci 2019-2022)
8. Revisiun parziala dalla lescha davart beins e dretgs immobiliars (DC 100.000)
9. Tractaziun ed approvaziun dil project da catramar la Via da Marias a Sumvitg e concessiun dil credit brut da 120'000 francs
10. Tractaziun ed approvaziun dil relasch digl emprést da 150'000 francs alla Societad cooperativa da consum Surrein-Rabius
11. Orientaziuns
12. Varia

Il preventiv 2020 sa vegnir retratgs sin canzlia duront las uras da spurtegl.

Sumvitg, 13-12-2019

Suprastonza communal

Salids ed auguris per las fiastas da Nadal e Daniev

La suprastonza communal giavischa a Vus, preziadas convischinas e prezias convischins, bialas e legrevilas fiastas da Nadal. Per la scumiada digl onn augurein nus buna sanadad, e tut bien. En num dallas autoritads communalas engraziein nus da cor per tut engaschi en favur da vischnaunca e cuminonza.

Sumvitg, 13-12-2019

Suprastonza communal Sumvitg

PREAVIS

Administraziun communal / Comunicaziun

L'administraziun communal resta serrada sur las fiastas da Nadal e Daniev sco suonda:

- naven da gliendisdis, ils 23-12-2019, allas 17.00 uras, entochen venderdis, ils 27-12-2019 allas 08.00 uras
- naven da gliendisdis, ils 30-12-2019 allas 17.00 uras, entochen venderdis, ils 03-01-2020 allas 08.00 uras

Nus engraziein per la buna collaboraziun, giavischein benedidas fiastas da Nadal ed in bien niev onn.

Sumvitg, 13-12-2019

Administraziun communal

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 13-12-2019

Departament stradal

Fiasta da Nadal «sin via»

Ils 20 da december festivescha la scola da Trun communablamein cun tuttas scolaras e scolars e tuttas scolastas e scolasts:

- La damaun marvegli allas 7.10 seradunan tuts affons avon scola. Nus mein silsunter a pei si Nossadunna dalla Glisch a far ina devoziun da Nadal.
- Allas 8.20 dat ei in pign act festiv cun punsch.
- Silsunter tuornan ils affons en scola per magliar in grond e bien solver. Leu dat ei era differentas producziuns ed ei vegn cantau canzuns da Nadal.
- Allas 11.35 partan tuts ellas vacanzas da Nadal, il suentermiezdi croda l'instrucziun.

La devoziun da Rorate ed igl act festiv si Nossadunna dalla Glisch ein publics, ils geniturs e la populaziun ein envidai cordialmein! Ils transports da scola cureschan la damaun in'ura pli baul. Scolaras e scolars e lur scolastas e scolasts

Uniun da dunnas dalla vischnaunca da Sumvitg

Sentupada d'Advent per affons da 3–7 onns

Mesjamna, ils 18 da december 2019 dallas 14.00 entochen allas 16.00 ha liug en casa da scola a Surrein ina sentupada per affons da 3–7 onns dalla vischnaunca da Sumvitg. Nus zambergiein da cuminonza ina decoraziun d'Advent, tedlein ina praula e magliein in bien toc petta. Per ulteriuras informaziuns ni damondas stat Giuanna Pelican bugen a disposiziun. Bugen spetgel jeu vossas annunzias entochen gliendisdis, ils 16 da december 2019. Giuanna Pelican, 076 537 78 45. *Cordialmein envidan Benedicta, Giuanna e gidontras*

Uniun da dunnas Sumvitg/Cumpadials

Devoziun d'advent

La devoziun d'advent ha liug **dumengia, ils 15 da december** allas 17.00 en caplutta a S. Benedetg. Ensemen cun la gruppa da liturgia festivein nus la devoziun en caplutta. Silsunter envidan vischinas e vischins da S. Benedetg pign e grond ad in sitg. Nus selegrein da star in mument da cumpignia cun Vus e guder la biala atmosfera d'advent. *Uniun da dunnas Sumvitg/Cumpadials*